



N° 6792  
Entrée le 08.09.2022  
Déclarée recevable  
Président de la Chambre des Députés  
(s.) Fernand Etgen  
Luxembourg, le 08.09.2022

Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 08/09/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministesch fir Gesondheet weiderzeleeden.**

Am medezinesche Beräich sinn Dokteren op d'Hëllef vun technesche Geräter ugewisen. Dozou zielen och Ultraschallgeräter, mat deenen zuelräich Diagnose kenne gestallt ginn. Dofir ass et vu gréisster Wichtigkeet, dass des och um medezinesch neiste Stand sinn.

An deem Zesammenhang wéilt ech der Ministesch dës Froe stellen:

1. Kann d'Ministesch fir all Spidol opziele wéi vill Ultraschallgeräter déi verschidde Servicer/Dokteren hunn?
2. Kann d'Ministesch no Spidol an no Service opziele säit wéini genau dës Geräter a Gebrauch si bezéiungsweis wéini se kaaft gi sinn?
3. Ginn et fir dës Zort vun technesche Geräter fest Fristen, no deenen si mussen ausgetosch ginn, fir e beschméiglechen Diagnostik ze garantéieren? Wa jo, wéi eng wieren dat?
4. Ginn et technesch Krittären no deenen dës medezinesch Geräter ersat ginn och wann d'Frist nach net ofgelaf ass? Wéi eng Roll spillt dobäi den technologesche Fortschrëtt?

Mat déiwem Respekt,

CLEMENT Sven

Député



[www.piraten.lu](http://www.piraten.lu)



LE GOUVERNEMENT  
DU GRAND-DUCHÉ DE LUXEMBOURG  
Ministère de la Santé

**Äntwert vun der Madamm Gesondheitsministesch op d'parlamentaresch Fro n° 6792 vum 8. September 2022 vum honorabelen Deputéierten Här Sven Clement.**

D'Bedriewen vun Ultraschallgeräter bedéngt keng ministeriell Autorisatioun sou datt den Gesondheitsministère keng Donnéeën dozou huet wéivill Ultraschallgeräter d'Dokteren respektiv d'Servicer an den verschiddenen Spideeler hunn.

Ultraschall Geräter sollen am Prinzip ëmmer konform zu den Instruktiounen vum Konstrukteur bedriwwen ginn an am Kader vun der technologescher Evolutioun ersat ginn. 8 Joer sinn do eng Referenz.

Lëtzebuerg, den 11. Oktober 2022

D' Gesondheitsministesch

(s.) Paulette Lenert